

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U TUZLI  
Broj : 32 0 St 481220 25 St  
Tuzla, 17.04.2025. godine

Općinski sud u Tuzli, stečajni sudija Vedran Milašinović, u postupku prethodnog ispitivanja prijedloga za otvaranje stečajnog postupka nad dužnikom „COMMO ELECTRONIC“ d.o.o. za proizvodnju, promet i usluge Tuzla, ul. Ismeta Mujezinovića 5, koga zastupa punomoćnik Selmir Selimbašić advokat iz Tuzle, dana 17.04.2025. godine donio je slijedeće,

#### RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „COMMO ELECTRONIC“ d.o.o. za proizvodnju, promet i usluge Tuzla, ul. Ismeta Mujezinovića 5.

Za privremenog stečajnog upravnika imenuje Mevlida Šećerović iz Tuzle, ul. Franje Markovića broj 8.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u prethodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Tuzli i Službi za geodetske i imovinsko-pravne poslove Grada Tuzla, radi upisa zabilježbe otvaranja prethodnog postupka.

#### Obrazloženje

„COMMO ELECTRONIC“ d.o.o. za proizvodnju, promet i usluge Tuzla, ul. Ismeta Mujezinovića 5, kao dužnik podnio je dana 03.03.2025. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 27.03.2025. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač je dana 16.04.2025. godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene dokumentacije i to; dostava podataka registra ovog suda od 04.03.2025. godine, izvještaj iz jedinstvenog registra računa Centralne banke od 10.03.2025. godine, rješenje upisa u sudski registar od 26.09.2003. godine, rješenje upisa u sudski registar od 19.03.2003. godine, rješenje upisa u sudski registar od 26.10.2000. godine, obavještenje o razvrstavanju poslovnog i drugog subjekta prema djelatnosti od 01.11.2000. godine, registarski list od 26.10.2000. godine, uvjerenje o poreznoj registraciji 11.04.2003. godine, obavještenje o razvrstavanju pravnog lica prema djelatnosti od 11.04.2003. godine, obavještenje o zatvaranju transakcijskog računa Raiffeisen banke od 10.02.2009. godine, bilans stanja na dan 31.12.2023. godine, bilans uspjeha za period od 01.01.2023.-31.12.2023. godine, posebni podaci o plaćama i broju zaposlenih uz godišnji obračun od 01.01.-31.12.2023. godine, aneks-dodatni računovodstveni izvještaj za mala, srednja i velika priv. društva od 01.01.-31.12.2023. godine, godišnji izvještaj o investicijama za 2023. godinu, obračun članarine od 01.01.-31.12.2023. godine, obračun naknada za korištenje, zaštitu i unapređenje šuma za period 01.01.-31.12.2023. godine, izvještaj o obračunatim i uplaćenim vodnim naknadama za period 01.01.-31.12.2023. godine, izvještaj o obračunatom i uplaćenom posebnom porezu za zaštitu od prirodnih i drugih nesreća od 13.12.2024. godine, obavijest o razvrstavanju od 13.12.2024. godine, izjava o primijenjenom standardu finansijskog izvještavanja od 13.12.2024. godine, odluka o utvrđivanju finansijskih izvještaja za 01.01.-31.12.2023. godine, odluka o prijedlogu raspodjele dobiti za 01.01.-31.12.2023. godine, bilješke uz finansijske izvještaje za 01.01.-31.12.2023. godine, nalog za plaćanje poreznih obaveza od 21.11.2018. godine, žalba na rješenje Federalno Ministarstvo finansija Sarajevo od 18.02.2019. godine, žalba na rješenje Federalno Ministarstvo finansija Sarajevo od 09.01.2019. godine i uplate predujma od 3.000,00 KM, predlagač je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 27.03.2025. godine, punomoćnik izjavi da je društvo faktički prestalo sa radom 2009. godine (možda i ranije) kada je ugašen bankovni račun, dok je prestanak u registru utvrđen 2018. godine. Porezna uprava tereti društvo za određene obaveze po osnovu javnih prihoda i doprinosa. Društvo nema obaveza prema dobavljačima niti bilo kojim trećim licima, a takođe nema ni bilo kakve imovine u svom vlasništvu.

Iz svega navedenog proizilazi da društvo nije u mogućnosti izvršavati svoje dospjele obaveza od momenta dospijeca u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog

stečajnog upravnika koji bi sudu dostavio izvještaj o poslovnom stanju kod predlagača sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija  
Vedran Milašinović

**POUKA O PRAVNOM LIJEKU:** Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.